

# 鎮江地理

李長傳著

1933

# 鎮江地理

李長傳著

IN MEMORY OF

MY UNFORTUNATE BROTHER

中華民國二十二年八月印刷  
中華民國二十二年九月出版

鎮江地理（全一冊）

▲每冊定價二角五分▼

著者 李長傅

上海文監師路

出版者 李長傅

二〇六號

上海新開路

印刷者 民光印刷公司

甄慶里

上海文監師路

總發行所 東方地輿學社

二〇六號

代售處

鎮江各大書坊

"Chang-hian-fu is a city of the province of Manji, the inhabitants of which are idolaters, subjects of the grand khan, and use his paper money. They gain their living by trade and manufacture, and are wealthy. They weave tissues of silk and gold. The field sports are there most excellent in every species of game and provisions are abundant. There are in this city three churches of Nestorian Christians, which were built in the year 1278, when his majesty appointed a Nestorian, named Mar-Sachis, to the government of it for three years. By him these churches were established, where there had not been any before; and they still Subsist"

— The Travels of Marco Polo.

鎮江府內控江湖北拒淮泗山川形勝自昔用武地也杜佑曰京口因山爲壘綠江爲境建業之有京口猶洛陽之有孟津自孫吳以來東南有事必以京口爲襟要京口之防或疏建業之危立至六朝時以京口爲台城門戶鎖鑰不可不重也

樂史曰京口西距漢沔東連海峯爲三吳襟帶之邦百越舟車之會劉騫止曰京口控扼大江是爲浙西門戶陳亮曰京口連閩三面大江橫陳於前江旁極目千里勢如虎之出穴昔人謂京口酒可飲兵可用而北府之兵爲天下雄蓋地勢然也

## 序

鎮江地理之性質，在科學之立場言之，屬於地理志之治下。在教育上之地位言之，則爲鄉土科學之一部。地理學之研究，大概分爲二部，一、地理通論，二、地理志。鎮江地理之性質，屬於後者。鄉土科學大概分爲鄉土地理，鄉土歷史，鄉土自然科學，而鄉土地理，其中心也。

民國十年間，曾著有丹徒縣鄉土誌，幼稚之作，覆瓿久矣。十數年來，奔走四方，對於童年釣遊之地，久疏親接。今春因養疴在里，終日遨遊山水間，不覺舊願重提，而有是篇之作。

鄉土地理爲小學直觀教授主要之科目，但就鎮江而論，僅有不科學之縣志，專供遊覽用之指南，殊不足供教授資料之用。則此書之作，對於鄉梓之小學教育，不無有所裨助。况鎮江爲本省政治之中心，全國有數之大都會。前臨煙波浩瀚之揚子江，後背丘陵起伏之

甯鎮山脈，密邇三郡，輪軌交錯。作地理之見習者，及研究鎮江一切問題者，則本書亦可作嚮導之用歟？

僅僅三萬言之小冊子，但取材編製，頗費經營。一本個人之調查考察及研究所得者為主，至於取諸他人者，均一一誌出，不敢掠美也。

本書引用統計數字之研究甚少。按近年官廳方面所發表之統計圖表，固應有盡有。（如各種公報中所載者）但一加審查，多不可恃。科學研究，來源如不正確，則其結果每有毫釐千里者，故甯缺毋濫。

說明務主淺顯，其不得已而引用之術語，另作詮釋，附於本文之後。讀本書者，未必均為專習地理之士，識者諒不以蛇足見譏。

本書參考資料之搜集，得李西候，李仰謨，吳中傑，吳仰之，邵枕流，金幼培，洪勉哉，柳健行，晉克明，張石城，張神洲，陳斯白，馬越常，葛達秀，楊植之，鄧寄樵，趙立之，趙式如，趙綸義，劉苗階，諸君之助力不少。謹誌於此，以鳴謝忱。有更應特為提

出者，陳宏謀君，與余合作地理，地圖工作者，垂六七年，此書所附各圖。均出自其手。陳君爲鄉梓服務之熱誠，至可感謝也。又葉硯農君，代書封面，亦應所道謝者。

因此書之作，而引起吾鄉人士進一步之研究，是最所企盼者。至於關乎本書之討論指正，尙祈讀者諸君不吝賜教焉。

民國二十二年八月李長傅。

漢江地理

# 目錄

第一章	緒論 (名稱 位置 境域 區分)	一頁
第二章	地形一 (山嶺 平原)	五
第三章	地形二 (江岸 河道)	一〇
第四章	氣候	一六
第五章	生物	二一
第六章	住民一 (人口 成分 聚落)	二四
第七章	住民二 (語言 地方性 信仰)	二七
第八章	資源 (農林 水產 鑛產)	三三
第九章	工商業	三八
第十章	交通	四三

第十一章 城市一（自然景相及名勝）……………四七

第十二章 城市二（市街及港）……………五二

第十三章 四鄉（自然區域及鎮市）……………五八

附錄 術語詮釋……………六五

插圖

第一圖 鎮江縣全圖……………本文前

第二圖 鎮江縣行政區劃圖……………四頁

第三圖 鎮江城附近地質構造圖……………六

第四圖 鎮江城附近江流變遷圖……………一三

第五圖 河流蛇行圖……………一四

第六圖 鎮江城及其附近圖……………四六

第七圖 四鄉自然區域及鎮市圖……………五九

# 鎮江地理

## 第一章 緒論（名稱 位置 境域 區分）

鎮江縣本爲前鎮江府首縣丹徒縣，民國成立後，廢府留縣，十七年遷省後，改名鎮江縣。丹徒之名始於秦，而鎮江之名始於宋。此外尚有朱方，京口，京江，潤州，南徐，鐵甕城等別名，皆古稱也。朱方之名最古，始於春秋。丹徒之名始於秦，據舊志所載，秦始皇見朱方有王者氣，命赭衣徒三千，鑿坑以敗其氣，故名丹徒。（註一）按此說不甚可信，如丹徒之外，尚有丹陽，丹徒之前名曰朱方，丹，朱均紅字之義，蓋因地處南方，故以紅字象徵，決非紅衣囚徒之意也。三國時孫權曾自吳（蘇州）遷都丹徒，號曰京城。後自丹徒徙治建業（南京），於此置京口鎮。而附近之長江，遂有京江之稱。（註二）又曾築子城

（註一）見楊榮京口山水志引吳錄。

(註二)見胡三省通鑑注。

，卽所鐵甕城是也。東晉南渡，於此僑置徐，兗二州，劉宋遂設南徐州。隋於京口置潤州。唐以鎮海節度使治潤州，宋改鎮海軍爲鎮江，鎮江之名自此始。英文譯作 *Chinkiang*。法文譯作 *Tchenkiang*，德文譯作 *Tschankiang*，馬哥孛羅氏曾譯作 *Changhaiang*。(註三)

本書研究之範圍，以鎮江縣爲單位。

鎮江縣城在鎮江縣境中部偏北，數理的位置當赤道北緯三十二度十三分，東經一百九度二十五分間。(註四)關係的位置在首都東北一百五十里，長江下游右岸。往昔所謂鎮江當江運之交，在全國交通上，軍事上，商業上，均佔重要之地位。現在運河雖失其效能，但因處長江下游，在地理上尚有相當的價值。

在政治區域上言之，鎮江縣爲江蘇省六十一縣之一，在地理區域上言之，普通分江蘇

(註三)見馬哥孛羅遊記 (*The Travels of Marco Polo*)

(註四)據鎮江海關實測。

爲江南，江北，淮北三部，（註五）鎮江地文上在江南，而人文上則與江北相似。此種特殊情形，可以說明鎮江爲江南，江北之推移地帶。

鎮江縣境域，略作矩形，西界江甯縣及句容縣，<sup>南</sup>及東南界丹陽縣，西南一角界金壇縣，北以長江及諸沙洲界儀徵縣及江都縣，東以夾江界揚中縣。其廣袤東西長約百里，南北闊約五十里至八十里。其面積據江蘇省政府之估計，爲一、〇四六方公里，（註六）在江蘇省六十一縣中佔第四十二的地位。


如前所述，鎮江既爲江南北的推移地帶，故縣的境域，多有與地理上不合之點，如西南部突出之仁讓鄉，在居民語言風習及交通上，皆與丹陽相近，而行政上屬於鎮江縣，於治理上不免有不便之感。

（註五）見莫之時（Richard）中國坤輿詳誌（The Comprehensive Geography of the Chinese Empire）

及西山榮久最新支那地理。

（註六）見中國實業誌江蘇省。

鎮江縣地方行政區劃，舊分十八市鄉，最近分七個自治區，茲列其名稱位置如下：



(製改圖鄉市八十府政縣據)

圖劃政行縣江鎮 圖二第

自治區	舊市鄉	位置
第一區	城廂市 永固鄉 焦東鄉	縣城及其附近
第二區	高資鄉	西鄉
第三區	長樂鄉 歲豐鄉 上黨鄉	近南鄉
第四區	丹徒鄉 辛豐鄉 崇德鄉 育成鄉	近東鄉
第五區	大港市 平昌市	遠東鄉
第六區	仁讓鄉	遠南鄉
第七區	御隆鄉 順江鄉	東鄉沙洲

## 第二章 地形一 (山丘 平原)


普通地志，謂鎮江屬長江下游之江浙平原，實則殊不盡然。試分江蘇之地形爲三區：  
一、淮河平原，即淮河（淤黃河）兩岸平原地。二、長江三角洲，即長江下游之沖積地。  
三、西南丘陵，即以南京爲中心之丘陵地。鎮江恰當長江三角洲之起點，應屬於西南丘陵區。全境地域，山多而平地少。（注七）峯巒層疊，聚處頗密，川河縱橫，淤積遍布，地形屬壯年時代。（注八）就著者觀察，可分爲三區：一、中央丘陵，二、北部沿江平原及沙洲，三、南部波狀平原。

普通地志，謂鎮江山脈，由茅山而來，與實際地形，相差甚遠。我國山脈學說，舊以

（注七）據江蘇財政廳之推算，鎮江總地積一〇、四六五、五二三公畝，其中平地占八、七三〇、四三七公畝，山地佔九二二、五四六公畝，水面佔七、四一二八七一公畝。平地佔山地之九倍，與實際相差太遠。

（注八）見丁文江揚子江下游之地質 (Geology of Yangtze Estuary)。

堪輿之說爲本。所謂來龍去脈、每多牽強傅會。最近之學說，當以地質構造爲根據。試考



(據石井八萬次郎)

鎮江附近地質構造圖 第三圖

江蘇西南部之山脈，可分二系：一、甯鎮山脈，由南京向東，至孟河爲止。二、茅山山脈，由茅山南北走。前者構成鎮江之中部丘陵，後者之餘脈，爲西南部仁讓鄉諸山。

甯鎮山脈（注九）由南京之鍾山向東，經寶華山，崙山，入鎮江境，爲高麗山，趕船山，朝鳳山，五洲山，十里長山，至鎮江城南爲九華山，迴龍山，招隱山等，其高峯多在三四百公尺之間，

（注九）希霍芬氏作南京山地（Nanking Gebirg）（見李著China），劉季辰君作界嶺系北部（見江蘇地質）。

誌 李捷君作甯鎮山脈（見中國地質圖南京開封幅），茲依後說。

比之他省高山，固不迨遠甚，但在本省，已可稱山勢雄偉之處矣。自鎮江城南，轉而東南，爲洪山、雩山，經丹陽境至武進之孟河，形狀狹窄，高度銳減，最高之峯，皆在一百四十公尺以下，以視西境諸山，不及遠甚。但其北濱江諸山，如鬪山、五峯山等，勢尙高峻，高度達二百九十公尺。

甯鎮山脈係褶曲而成，據劉季辰、趙汝鈞二君之考察，其地質構造，自龍潭而東，計有完整之外斜層與內斜層各二，東至五洲山，十里長山之間，各層漸合而爲一外斜層。東端孟河一帶之長山，呈狹帶狀，傾向西南，以勢推之，要與鎮江縣城東南之京峴山，及九華山，十里長山，趕船山等，同爲十里長山外斜層之南側。但其間必有平斷爲之推移，故軸向不甚一致。北側在鎮江以下，俱爲浮土所掩，則無形影可尋。甯鎮山脈之造山時期，始於中生代侏羅紀之下期，由褶曲而成，繼受風水之侵蝕，至侏羅紀上期，火山作用甚盛，漸入老年時代。直至白堊紀之上期，造山作用復起，褶曲斷層相因而起，構成現在甯鎮